



Broj predmeta: 13-000165/22
Broj akta: 01.1-1413EK-0065/22
Datum, 8.6.2022.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 - prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14), Izmjene i dopune zapisnika o pregledu i ocjeni ponuda BiH broj: 13-000165/22 od 7.6.2022. godine, gradonačelnik Brčko distrikta BiH d o n o s i

ODLUKU O PONIŠTENJU **POSTUPKA JAVNE NABAVKE**

Član 1

Poništava se otvoreni postupak za Lot 1 – Nastavak izgradnje vodovodne mreže kod Pete osnovne škole, MZ Meraje, Lot 3 – Nastavak izgradnje vodovodne mreže u naselju Čađavac, MZ Omerbegovača, Lot 4 – Izgradnja sekundarne vodovodne mreže u MZ Omerbegovača i Lot 5 – Izgradnja vodovodne mreže s priključkom – put prema kući Petra Zalkanića, MZ Ulice iz provedenog otvorenog postupka za nabavku radova na izgradnji objekata vodosnabdijevanja i kanaliziranja otpadnih voda – 8 lotova za potrebe Odjeljenja za komunalne poslove Vlade Brčko distrikta BiH, koji je pokrenut na osnovu Posebne odluke o pokretanju postupka javne nabavke broj: 13-000165/22 broj akta:01.1-1413EK-002/22 od 19.1.2022. godine, Obavještenja o nabavci na portalu javnih nabavki broj: 1157-1-3-77-3-122/22 od 31.1.2022. godine i ispravke Obavještenja o nabavci broj:1157-1-3-77-8-130/22 od 9.2.2022. godine, predmjera radova u vezi sa Tenderskom dokumentacijom broj: 13-000165/22, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje

U provedenom postupku nabavke je donesena odluka o izboru najpovoljnijih ponuđača i ugovor za lotove 1,3,4 i 5 je bio dodijeljen najpovoljnijem ponuđaču „Astra Plan“ d.o.o. Brčko koji je trebao u roku od sedam dana od dana obavještenja o donošenju odluke o izboru ponuđaču dostaviti kvalifikacionu dokumentaciju. Izabrani ponuđač je dostavio posljednjeg dana roka, 20.4.2022. godine, kvalifikacionu dokumentaciju na protokol Vlade Brčko distrikta BiH. Kvalifikaciona dokumenatcija je dostavljena u zatvorenoj koverti dana 21.4.2022. godine u Pododjeljenje za javne nabavke. Nakon otvaranja koverte utvrđeno je određeno neslaganje između spiska dostavljenih dokumenata navedenih na propratnom aktu i samog sadržaja koverta, a što je i konstatovano i na sastanku komisije za javne nabavke održanog dana 25.4.2022. godine. Komisija za javne nabavke je utvrdila da u paketu dostavljenih dokumenata nedostaje uvjerenje Fonda zdravstvenog osiguranja Brčko distrikta BiH o uredno izmirenim doprinosima iako je na propratnom aktu navedeno da je dostavljeno. Komisija je ustanovila da je umjesto navedenog uvjerenja dostavljeno uvjerenje Fonda PIO RS, koje je takođe

neophodno za kvalifikaciju, ali kao takvo nije naznačeno na spisku dokumentacije na propratnom aktu. Komisija je konstatovala da se broj dokumenata sa spiska dokumentacije iz propratnog akta i broj dostavljenih dokumenata u koverti slažu, ali da je umjesto uvjerenja Fonda zdravstvenog osiguranja Brčko dostavljeno uvjerenje Fonda PIO RS. Uvjerenje Poreske uprave RS, područne jedinice Pelagićevo, ne sadrži opšte podatke o izmirenju doprinosa tako da isto ne može biti ni uzeto u obzir kao dokaz u smislu člana 45 Zakona o javnim nabavkama. Dana 11.5.2022. godine u Pododjeljenje za javne nabavke je dostavljena dopuna dokumentacije od strane ponuđača „Astra Plan“ d.o.o. Brčko na način da je dostavljeno Uvjerenje Fonda zdravstvenog osiguranja Brčko distrikta BiH broj 015-180/6-543/22 od 10.5.2022. godine u kome se navodi da su obaveze za FZO doprinose izmirene zaključno sa 30.4.2022. godine. Komisija je utvrdila da je dopuna dokumentacije dostavljena izvan roka za dostavu (20.4.2022. godine), te je i dostavljena potvrda izdata dana koji je izvan kraćeg roka za dostavu kvalifikacione dokumentacije. Zatraženo je i mišljenje Pravobranilaštva Brčko distrikta BiH i nakon dostavljenog mišljenja, Komisija za nabavke je većinom glasova zauzela stav da je ponuđač „Astra Plan“ d.o.o. Brčko nekvalifikovan. Komisija za nabavke je nakon toga izvršila analizu dostavljenih ponuda i utvrdila da je drugorangirana ponuda glasila na veći iznos od procijenjene vrijednosti nabavke i Odjeljenja za komunalne poslove je zahtijevano da dostavi informaciju o postojanju dodatnih sredstava za finansiranje nabavke. Odjeljenje se izjasnilo da ne postoje sredstva i da je neophodno poništiti postupak nabavke. Komisija za nabavke je većinom glasova dostavila preporuku o poništenju postupka nabavke za lotove 1,3 4 i 5.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO

1. Pododjelu za javne nabavke,
2. Ponuđačima
3. Gradonačelniku,
4. Odjeljenju za komunalne poslove,
5. Službenom glasniku Brčko distrikta BiH“
- ⑥ Arhivi.

